

E aha te Faaroo ?

Imua i teie uiraa, te faahiti pinepine nei tātou i te Hēpera 11/1. Oia mau ia. I roto i ta tātou Pīpīria, te vai atoā ra te parau ra "Faaroo i te Metia" (Taratia 2/16 ; Firipi 3/9), e o ta tātou hoī e tātā i ô nei mā te iritiraa ra "faaroo o te Metia". Inaha, i roto i te parau ra "faaroo i te Metia", e ô roa mai te manaō ra, ia au i te iritiraa a te mau mitionare, e noaa "te Parautiā a te Atua i te faarooraia letu-Metia" (Roma 3/22). I teie huru aratairaa mitionare ra, e tuhua atoā ia ta te taata e rave e tiāhia mai ai o ia e te Atua, oia hoī te vai atoā ra ia ta te taata rāvēa no te faaora ia na iho.

Areā i roto i ta Pauro haapiiraa ra, aita roa atu ia ta te taata nei hoē noa aē māā ôhipa iti e tiāhia mai ai o ia maoti rā, o te Atua anaē tē haa nā roto i te Metia no te tiā i te taata hara ! I faatītāfarai a tātou "faaroo i te Metia" ei "faaroo o te Metia", no te mea o te Atua teie e fā mai nei mā te Metia no te faaora i te taata hara tei ôre roa e tiāhia i te ôhipa a te ture (Rōma 3/28).

la au i teie rēni pororaa évaneria a Pauro, ua âpapahia mai te tahi mau faaâpīraa : Taratia 2/16 "Te faaroo o te Metia" ; Taratia 2/20 : "Te faaroo o te Tamaiti a te Atua" ; Taratia 3/22 : "Tei te faaroo o letu-Metia" ; Rōma 3/22 : "I te faarooraia letu-Metia" = "I te faaroo o letu-Metia" ; Rōma 3/26 : "I faaroo ia letu" = "Tei ora mā te faaroo o letu" ; Firipi 3/9 : "Te faaroo o te Metia".

Tihiri Lucas



Te parau Atua a te Etārētia

Te parau o te Atua

Aore e taata i ite i te parau o te Atua, o ia hoī o vai te Atua. Ua faaite mai rā te Atua i to na parau nā roto i ta na parau. Eita e ôre tātou i te horo tātē noa i roto i te pīpīria. Aita rā hoī te parau i faaea parau noa, ua riro mai rā, te mea ia ta tātou e parau nei i teie mahana e nātūra àore ia te rahu a te Atua. Ua hāatihia tātou i te parau a te Atua, e ia hiōhia te mau mea atoā ta te Atua i rahu, no te haamanaō noa mai ia i te manaōnaō rahi o te Atua i te ora o te taata. Eere ānei i te nahonaho-roa-raa te oraraa o te taata, to na fare e ta na māā, i reira noa te Atua i te hāmaniraa i te taata. Eere ānei nā roto i te mau ôhipa atoā o ta na i faatupu, ua hinaaro te Atua e faaite mai i to na tiāraa metua, e pārahi fātata roa i pihai iho e i roto roa i te oraraa o te taata.

la haere mai te Tamaiti, o ia hoī te parau a te Atua i riro mai ei taata, aita atu ta na e fāraa no te Atua, maoti rā e metua, aita atu ta na e faaitereaa maoti rā te Emanuera, te Atua i ô te taata, te Atua i

haafātata mai i te taata, te Atua i utuutu e i âtuâtu i te mai o te taata, te Atua i ite ûai e i haamāmā i te hōpoiā a te taata. la hiōhia, hoē ā faaitereaa ta te nātura e ta te Tamaiti, e metua te Atua.

Te parau a te Etārētia

Ta te Etārētia évaneria pororaa no na iho, ia riro noa o ia ei tīai mata ara i niā i te rahu a te Atua, ei tīai mata ara i niā i te nūnaa o te Atua.

la ù i ite aē i te haapaōraa, e faaroo vau i te parau o te Atua, aita rā e hōhoā e mau ra. I te tomoraa i roto i te haapiiraa tāpati, ua haapiihia vau i te tahī hōhoā Atua rahi te pārahi ra i niā i te rai, e Atua tē ôre e mauruuru i te ôhipa piō, e Atua tāhoo e te ôre e tī iā haafātata atu. I teie mahana, eita e ôre e tē vaivai rii noa ra ā teie hōhoā o te Atua i roto i te taata, te mea pāpū rā, ua taui te fāraa faaroo a te Etārētia. Ua tūrai te mau fifi rau e fārereihia ei e te nūnaa māōhi i te Etārētia ia hiō faahou i ta na faaitereaa, mai te parau no te mau

hooraa fenua, te mau tāmatamataraa âtomī i ô tātou nei e i roto i teie nei ao, te mau fifi rau e fārereihia nei e te feiā âpī mai te inuraa âva e te pupuhiraa i te âvāava taēro, te hāmani ino-raa-hia te mau tamarii, te pārururaa i te turaraa o te taata, e te vai atu ra. Ua tūrai teie mau parau i te Etārētia ia haafaufaa faahou i te parau o te fenua, ia riro faahou te fenua ei metua, ei vāhi i reira te taata e ite faahou ai i te Atua : ia haa-faufaa-faahou-hia te reo māōhi, te fauraō noa iho te reira no te hinaaro o te Atua ; ia haafaufaa faahouhia te parau o te taata, ia taata faahou te taata, ia faatura faahou te taata ia na iho, ia metua faahou te taata.

Ua faaite mai te Atua ia na iho nā roto i ta na rahu ei metua. Ua haere mai te Tamaiti e faaite mai i tāua tiāraa metua o te Atua. Aita atu e parau o te Atua e tī i te Etārētia ia faaite e ia ora, maoti rā e metua.

Robert Tairua

Te parau a te Atua e to na hiroà O vai te Atua ?

Te Evaneria pāpāihia e loane 1/1. Te reira te tahī vāhi e vāhia ra e teie parau "I vai na te parau i te matamua ra e tei te Atua ra te parau (Logo)". E marāmarama òiòi noa tātou e o letu teie "Parau" ta te pāpāi evaneria e pāpāi nei i te ômuaroa-raa o ta na evaneria no reira ia : O vai te Atua ? Aita atu ra ia i teie nei e hororaa to te Parau, no te mea te itehia ra te vāhi hororaa e te mea ta teie parau e tītau mai ra ei vāhi vairaa no teie parau - teie ia : Te Atua e ta te hereni piiraa i te Atua "THEOS".

Ta ù hioraa i teie parau ATUA ia au i to ù hiroà Māohi, e au o ia i te Mahana (rā) e hitiraa to na (hiti à o te Rā) e òaraa to na (tooà o te Rā). Te vahi taaè ra i te ATUA e te rā teie ia : te Rā na te ohu raa o te fenua e faatupu na parau e piti nei : no te ATUA e ere ia na te ohu raa o te fenua e faatupu te ATUA no te mea te fenua iho e tupu raa ia no te ATUA e ta na parau, na te huru ra o no te taata faarrii raa e aore farii ore raa i te tupuraa o te ATUA i roto i ta na Parau ta te RAHU e parau mai nei, e faahiti mai i te ATUA, (hitiraa o te ATUA) e aore ra e òà no te Atua (Tooāraa o te Atua). E te reira ihoā te ôhipa e tupu nei. No te pae rahi o te taata i teie nei aita te Atua e hiti nei aita atoà ihoā ia e tooāraa, ua moè rā, e mai te Rā, àhiri e moè nei ua pohe ia "paraneta". I nià i te taata i teie nei, ua moè te Atua ra, te òre atoà ra ia te ora i reira, e te reira taata ra te ora noa ra o ia mai te mau natura atoà e vai nei. Aita atoà te taata e faaeà noa nei i reira ; no te mea ua moè te Atua ia na, i reira o ia i te faaatuaraa ia na iho, no reira teie uiraa e "O vai te Atua ?".

Faire de la théologie, c'est risquer une parole de foi pour aujourd'hui, trouver une expression de la foi dans un contexte précis.

D. Crouzet

Te parau a te Atua e to na hiroà

Eere teie i te hiòraa taote no teie parau. E hiòraa ra na ù tei ite i te ora i roto i te hiroà o te Atua e ta na parau, o ia tei tauturu e tei faaâpî noa i to ù oraraa ia au i te tupuraa o ta na parau ta to ù fenua e tauturu noa nei i to ù oraraa.

Te parau a te Atua e to na hiroà - e au o ia i te ua e te mahana - Te topa nei te ūa e



faarari nei i te tupuraa no te i o te fenua, e na reira atoà te mahana e horoà nei i te ora i te i o te fenua. La puru te taata i te parau a te Atua e riro o ia ei i ño te fenua, e ia hitihia o ia e te parau maitai a te Atua e au o ia i te rāau i te hiti ànavai te heuuiri.

E aha te vāhi paraura

E parau teie ta te Taria e faaroo, e parau ta te ôpū e fārii, e parau e faaâpî i te feruriraa, e parau e âveià to òe haereà (Taramo 119/105). Ta loane i faaî e o letu teie parau, na roto ia i te tupuraa o te Aroha o te Atua i to te Ao (loane 3/16). Mea maitai ra i te taata ia faaruru i raro aè i teie parau ia òre o ia ia puru i te ìno.

Na vai e parau ta na parau ?

Na te mau nūnaa atoà o teie nei ao e na te mau taata atoà e na te mau reo atoà. Teie ra hoi, èere pai teie parau i te parau noa, e tupuraa to na, mai te mea e, e parau noa aita e tupuraa èere ia i ta te Atua parau. I roto noa i te mau faanahoraa a te mau haapaôraa faaroo, mea huru navaì te huru paraura, mea ê ia ta te mau "Association, ta te mau Fondation, ta te mau Spiritisme, ta te mau hiòhiò, ta te mau tâhuà, e inaha ta te mau front-maçon atoà atu ra". Mea ê ihoā ta te taata tâtaï-tahi parau. Te ite ra ia tâtou e e uiraa faufaa roa, teie e "na vai e parau ta na parau" - Ta letu pure tâhuà (loane 17/21), teie ia parau "ia riro râtou ei hoë "Oitumene" : la mana vau, te parau e faatupu i te hoëraa na roto i te parau mau, te parautià, te aroha e te hau (Taramo 85/10). Teie te auraa na te Atua iho e parau ta na parau i roto i te mau nūnaa atoà tei faaî ia na ei Atua. (Mote i mua i Faraô).

E aha te vāhi paraura

Te Etârëtia a teie Atua, te vāhi-parau-raa mâtamua roa, e na roto ia na e parau ta na i te "Totaiete" noa atu e aha te huru - aita ta na parauraia i tâotîähia e te fare pure e te haaputuputu Etârëtia noa, tei te mau vāhi atoà. Te hui arii, te hui raatira, te manahune te taata tano te ta taata hape - (aita atu e vāhi parauraia ta te mau perofeta o te faatereraa ia a te mau hui arii e te hui raatira) e pâhono roa teie parauraia i teie uiraa e, "e parau ia vai".

No vai i parauhia ai ta te Atua ?

E manaò faahope teie, i teie tuatapaparaa. Te Atua e O ia oia no te mea atoà te taata nei e tupuraa ia no taua O ia ra, aita to te taata e parau no na iho na te Atua ra i parauhia ai to na. Te māohi e Atua to na, e hiòraa ta na i te parau a te Atua e ora ai o ia e fairaa ta na i to na Atua, e ôhipa ta na e rave, e faahoira e ta na i te ânaâna o te hanahana o te Atua i te mau taime atoà e te vai ra o ia i roto i te ora e au o ia te àma mori e vai noa o ia mua i te mata o te mau huru atoà i te vāhi poiri ihoā ra o ia e vaitahaa roa ai. Teie ra aita anaè e māa to roto i te ramepa eita ia o ia e àma. Te taata aita te parau a te Atua i roto ia na eita atoà o ia e àma. Te vāhi tupuraa no te parautià, te parau mau, te aroha e te hau, eita ia e itehia te àma no te mea e mea maramarama - te vāhi ra aita e tupu ra teie na parau e maha, te pouri ra ia ei reira òe e àma ai, eiaha òe e àma ia maramarama e ia poiri ra ei reira atoà ia òe e pohe atoà ai - e au ia te reira i te taata ua òre te Faaroo !

Teauie Tuheiava